

ԽՄԲԱԳՐՈՒԹԵԱՆ ԿԱՂՄԻՑ

«Արարատի» խմբագրութիւնը ցանկանալով ըստ կարողութեան հետարքը դարձնել ամսագիրը և, որքան թերթի ծաւալը ներում է, բաւարար նիւթ տալ ընթերցանութեան համար, գիմում է հայ գրագէտներին և ուսուցիչներին խնդրելով նրանց աշխատակցութիւնը:

«Արարատում» բացի կրօնական—բարոյական յօդուածներից՝ կարեռ տեղ պիտի յատկացուի նաև մանկավարժական, գրական—բանասիրական ու պատմական յօդուածների և ուսումնասիրութիւնների:

Առաջին ուշագրութիւն պիտի գարձուի ոչ միայն մեր և օտար ազգերի եկեղեցական կեանքին, այլ և հայ կեանքին բնդհանրապէս:

Ստացած ամեն գրքի մասին մատենախօսութիւն գրել կը տրուի ձեռնհաս անձերի:

Յանկալի է, որ ուղարկուած յօդուածները երկար շարունակելի չենին:

Յօդուածների համար կը տրուի վարձատրութիւն կամ դրամով, կամ յօդուածների արտատպութեամբ «Արարատի» դիրքով, Վարձատրութեան չափը կամ արտատպածօրինակների թիւը կորոշէ խմբագրութիւնը, եթէ յօդուածագրի կողմից որևէ ցանկութիւն չէ յայտնուած վարձատրութեան մասին, յօդուածը չի վարձատրուիլ Զեն վարձատրում նաև վեց երեսից պակաս պատահական յօդուածները, ինչպէս և թղթակցութիւններն ու պատասխանները:

Խմբագրութիւնն ազատ է համարում իրեն՝ յօդուածները կրճատելու, եթէ յօդուածագիրն առաջուց պայման չէ գրել անփոփոխ տպագրելու:

Թարգմանութիւններ ուղարկելիս պէտք է յիշատակել ընագիրը (հեղինակ և լեզու) և, եթէ կարելի է, ուղարկել նաև բնագիրը, որ յետ կը դարձուի ուղարկողին:

Զտպուած փոքր նիւթերը չեն վերագարձւում, իսկ մեծ յօդուածները վերագարձւում են յօդուածագիրների հաշուով: Զտպուելիք նիւթերի մասին կը յայտնուի «Արարատում»: